

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
OCT 31 1940

T5753/4436(8)



次日天未旦，余即放舟行二十里。合佛大學漢和  
圖書印行復十里，屈曲松杉，望煙而入。始見高氏山菴，時  
二子待余不至，猜卜未已，忽見余冠屨從山徑來。  
笑語遙答。

未明獨理舟，望影追二子。梵鼓告初晴，殘星白未已。稍復  
見蘆人，疊舸出弄水。前溪尚可通，捨舟意取迥。榛徑蹋寒  
光，應先上君趾。豈爲昔所經，索幽意向此。漸入揖古楸，一  
菴遙在指。開扉正望余，高巾穿角履。不獨君筦然，僕夫各  
色喜荒爨。炊松鬚餅畢，遊方始。



禮南麓先生墓道

飯畢出拜高氏祖南麓先生墓見古木森然碑表  
甚古守墓者數家園廬疎列因歎前輩遺制不苟  
昔賢卜一丘流風蔽來者豈如碌碌人委骨任土苴余來  
正衣冠再拜碑銘下空岳啼了鵲苔花縹石馬昔栽尺五  
松採肪已盈把守冢猶數家山房肅古瓦俎豆生儀光舊  
臘得在野咨嗟告後人莫替瓠桑社

山行失道

出鳥石山後擬上長岡偶失道落叢棘中竹葉刺

眉路隙不縷同遊者閉目偃行三里始出

習僻厭平阡岐道入榛莽竿足不甯回牽拂堅初往稍進  
益無天竹葉大踰掌隙處觸瓣雲日腳不落壤視體若偃  
松漸偃安得仰兩裊競翊張冒棘先用顙導者未識誰後  
趾蹴前編人獸盡無音但聞碎籜響三里幸出叢目光久  
矐矐始見樵子行訝我反山魘

得杖

出叢棘後各選石雜坐土人竢余輩色定氣定因  
采竹爲杖各贈一莖乃得進



既出賀險盡瞻前乃復卣小憩對古松支離類此叟策足  
恥言疲終落僕夫後山人指爪強拗竹等拗非憐余進一  
莖茲意感君厚忽若當顛危倚身得奇友山魃不敢爭空  
潭戰蚰蟻翼足若漸輕影逐孤雲走大謂二子云騰嶽等  
培塿

坐長岡高處放言

更造絕頂隱見海水雷潏雲涌氣浮萬山回望城  
部簇若螳垤因與二子歎彼中人終日驛走何事  
陟此衆曰巔誤足踰飛翮嶺腋松千尋吐杪僅踰尺遠眺

乍睽然靈狀雜開闔寒光忽炯散天水始分碧衆風吹鶴  
衣徐聽隱墉滂躩踞走百神日小氣不瘠回歎城郭人炎  
塵一圍炙卒卒驛死生萬垤斂螳骸豈知山澤精先入幽  
人膈高處沃雲英奇理自奔迫片語鏘嵌巖畱賞延霄客  
坐吉祥菴

稍進乃見山僧結一菴於上瓦棟尙新繞菴有茗  
樹千本余輩憩坐久之歎慕而已

回瞻所歷塗豈意踞其頂適有鐘導之紆步復前嶺斗上  
翻得平霞栖卜斯景果有鬚頰僧苔龕獨遐屏佛座炤珂



看一童炊幽燧供盃貯宿雲泉郵笳作綆竹鷓鬧菴筵木  
奴耀笈簪空山更何營僧業千株茗余叩師不訓繩坐默  
相警欲畱惜未能鳥呼催杖影出谷怨夕易發我下人境

營隱

是夜歸宿烏石掖青因歎余輩十年筆墨誤爲名  
驅今身世已若此尙萍栖未定所謂內負宿心者  
矣旦中遂請分田割廬招掖青共隱于此二子各  
欣然命余預言其樂

憫世憤世心俱從城市出若夫坐空山堯秦無異日十載  
憶登壇慟哭埋文筆誓將共吾子顏笑畱皇質草堂許割  
居未苦營茅筆墓田約耦耕十畝三畝秣驅牛合一宮通  
煙接爨室各自羅盤飧誰能辨主客終年不著書恥復爲  
世述草木共春秋吾生固有畢

尋紅樹至永福菴聽經

次早出烏石行里許居人織木爲梁橫置溪上度  
溪始出壩口逢愛紅樹密處欲造其所行二十里  
始至林中一菴山僧方踞席講經聽者數百人語  
拜蹲沓竟不辨一字而出



冬氣山不枯。楓葉含霜繡。遙慕紅處好。併覺人煙秀。緩策  
十里行。意謂逢前岫。溪迴更小梁。取徑疑左右。山容善誘  
人。若遠若易近。約塗復半前。漸與白雲就。幽情未給賞。傳  
響忽梵奏。遂入一林。鼓雁堂。值新搆。老僧獨踞壇。妙理宣  
句。讀山人。頑於石。羣語塞庭廡。未譯僧何云。南膜額競扣  
法螺。逐山魑。石臺飽鳥噉。雜遝共出門。日午芙蓉漏。

上靈峯絕頂望壑

出菴擬上靈峯望山勢。斗甚喜有級。可拾行里許。  
旁見巨壑蒼黑木。石森然盡處與寺接。因約二子。

待春泉震壑當更集聽於此

同徒趣未闌。倦足洽巖壑。仰望空嶺交。木末接雲腳。取徑  
凡幾盤。危級開犖确。屢曲勢小紆。遂得引遊屨。蒼鬱下望  
深五里。傍巨壑。冬巖瀑舌瘖。洞隙蹲老猥。黑蜈枯不潛。鼓  
陰溼氣零。旒石劒杪。鑱奇鬼森相撲。山僧愛聽泉。新竹緝  
虎落。余來錫盃間。塔立荒哀樂。對此悔平生。早被章句縛。  
歸攜幸不廉。翠嵐貯滿橐。

至酈峯草堂

下山行約十里夾竹如蒼蒼。藁衣土人指日近。



鄮峯草堂矣。余意爲前人隱處，至則僧舍爾。菴愛其各僧愛其朴。

此亦梵屋耳。其名曰草堂。老僧無衲氣處，士同行藏半扉。辨客履，引我坐藜牀。誦客吟，言詞坐久喜其憇。自云山寺瘠脫粟，不滿瓊鳥鼠。念僧貧，留果充餓糧。舊栽扶老竹，新業瀉花塘。左有泉一潭，木石養幽香。綠煙常不散，盥肺汲鶯。鶯勸客且坐，此夜受星氣涼。

宿舍利塔下尋古碑版

自草堂入阿育王寺，煙瓦滿地遺構不存，惟舍利

塔廟僅在道上，臥古碑二，一爲宋蘓學士撰文，肅閱良久，傍爲張九成泉銘，其書法獨妙。僧云尙有元揭傒斯一碑，未問所在，稍出乃見廢圃中有立石不仆者，則金華宋學士碑文也。

高文落千春，得壽及山骨。炯炯古塔下，佛珠爲日月。老松願承蓋，埜苔不敢髮。前潭有螿龍，震雨頻浣刷。幽氣巢巨靈，風霆看出沒。余適尋山門，舊基瓦難埜。支解歎佛身，諸天坐茅蕤。昔時鶴翎花，劔根鬼火屈。獨見尺草中，臥立有碑碣。肅若對古人，束帶先上謁。讀字先以手，斷處終暫闕。



同遊幸異才精感足互發跡畢久立煙三嘆生悲咽百年  
各有生曾供石幾閱

歸飯學樊堂

次早出寶幢河舟行三十里至學樊堂莊人已設  
鷄黍相候遊終矣然余與二子各未有詩記則冥  
尋追寫遊方自此始耳

默坐對故人不語自珍重待各東西驅悵然復入夢山澤  
余夙交關情亦實共茲遊已告終杖屨惘如送始覺向所  
歷羣景森欲動引諸心目間漸爲筆光用譬諸善繪人巖  
壑豈畢供冥追在須臾落紙遂難縱二子竝蒼茫抱僻不  
從衆一水闊如天別後巷如凍

積旱得雨後泛舟至草堂二章

屏翳久失時川渚盡枯蘊喜茲甘霽施奔流乍已初朝霽  
散平皋山水含餘潤渙草尙津莖密林葉垂汎潛鱗戲新  
瀾脩羽臨泉振緬懷衆情欣余榜亦以進目送幽壑開心  
隨柔槩運遙翠似難親乘流渺然近翫物洵有期散襟得  
無悶屢曲造蓬居望衡誰枉問

昔余秉微志東臯營隱室臺笠獲所栖植援功稍畢萍游



未得安蒿徑，常苦聞夙懷。中自敦疲駿，思故轍鄉曲。遙相  
迎，褰衣各愉悅。乘高覽前垌，極眺左右豁。湖陰滋遠嵐，層  
巒遶相出。激灑浮霽光，杳夢媚幽質。開軒引蘭醕，盈牀理  
緗帙。行雲有還期，倦鳥羽暫輯。玩俗終違心，適我在獨立。  
願言守沉冥，高矩尙可挹。

泛舟東錢湖同徐霜皋作

下六章登福泉山詩

結遊慕春餘，齊契得吾友。愛此古鄮湖，盪舟下水口。柔檣  
聽風行，湖光四面受。遙色秀山家，餘暉帶門柳。一峯領衆  
嵐，巖崕盡俯首。孤霞插中流，茲意非可耦。湖山相澹瀲，披

襟與之久，世人徒趨名。遊觀事亦有，歌吹喧西湖。盡在白  
蘇後，未若茲湖佳。幽尋自不偶，千季隱學處。靜氣寄巖藪，  
終日唯單舟。煙瀾集吾手，發興旣我曹。奇唱庶無負，風迹  
畱古今。斯文儻同朽。

自大嵩嶺上二十里至福泉精舍作

捨舟上樵逕，晴眺分纖毫。循塗凡屢盤，獲奇隨所遭。崩崖  
露雲根，長風勢漸饗。諸巒徐束體，始識身已高。過雨忽足  
下，髮上天氣交。在輿尙苦疲，何況昇者勞。首虐乘人車，筋  
力嗟爾曹。斗上復稍垂，豁然闢林坳。老松得成鱗，巖土抽



春毛梵僧構幽栖人龍同一巢入門氣得蘇豆筍羅山庖  
到此慚浮名徒爲猿鳥嘲我何不徑然將家住藤梢

登望海絕頂

天風吹客上斷竹翼我身廓然老目開得見天地新大海  
滂其前萬象趨嘉門亂嶼業相持黃牛三寸蹲太空積終  
古一氣還渾淪日車晝夜轉爛爛推星辰長江飄素帶巨  
湖注盈盆衆川盡小心東流奉至尊卻望三神山縹緲失  
金銀欲把東皇衣垂顙拂小臣陽鳥忽以墮朱鳥來紛紛  
安得千巫咸一一招古魂同臨晞髮叟灑滄涎奇文尺五

天下語地上應不聞

里田嶺五里大風霧至埋雲菴作

出門未十丈萬狀習以闕大風夾雷行白霧如雨凜鷗黎  
啼不已騰蛇盡離蟄勢推兩儀翻聲驅百靈急黃父咽漿  
飽魍魎跳畢集山夔一腳仆彷徨皇兩頭繫霞霞數步迷颯  
颯諸竅入將歎不成噫欲住足難拾暗墮卽百仞舉身蹈  
兀岌我生歷衆死奇險性所習漸老出危塗豈謂茲遊及  
五里慙埋雲飛廉威始戢坐久面色回稍得舒呼噲太陽  
復吐光藉炤衣裳溼百季有顛傾微軀仗獨立失足慎須



史斯義儻終執

下水磨嶺腳

登輿縱新覽山川喜重霽解顏謂輿夫徐徐緩前氣適冒  
皇天威微生飄一蒂汝曹傾命力觸險良不細安步莫忌  
危豫防在既濟躓堙不躓山聖戒所深記五里落水磨始  
得踐厚地回瞻慙腳所埋扉亦天際半下尙雲中絕頂安  
可計昨來臥山牀真與飛鳥逮片片堯時嵐從斯入夢寐

大慈寺

漸遠山麓行風輕拂五里細麥秀哇哇野色亦可喜為慕

贊公房逢尋煙靄裏竹色擁山門浮圖漾池水坦步登山  
堂靜氣肅席几坐處一峯尊雙巒夾恭峙幽嵐四面來松  
廳入傾耳延我上繩牀傳薤亦移晷叙別惜怱怱後期屬  
相埃旁有宋相墳史彌遠墓饗亭若初起六陵一堦餅此公翻  
血祀大龜攫碑倒遺笑冷人齒豈得山川靈報應奪常理  
重把冬青枝太息追所始

古詩為寒泉子作四章

泉寒始可枕石寒斯可牧荷斧猶在手斧音出四谷瓢中  
古漢書坐當楚經讀徐聞風榛來天地散靈廓安得日陵







草如畫城遙遙太白峯朝夕來相迎中有我老友

謂嘯堂老人

愛我誠不輕奚不仗禪力立驅病百程滅燈碎藥鐺即買

### 五嶽箜

前日風一番桐花已霏霏昨日風一番柳花復依依但覺  
春易來不覺春易歸片片花飛中公去亦隨之從來河梁  
淚不上長老衣爲公灑數點即掩兩竹扉

笠山戴一笠包山裹一包自非方外公安得任逍遙此公  
况非常風骨較我高行瓢帶漢書坐船讀楚騷世上方袍  
人陸陸非其曹誰從培嶼下而得攀松喬

聞公說包山使我亦色起縹緲第一峯我卽住其底湖光  
潏灩來日月山屋裡一杖據一山一瓢盛一水况說此中  
人土俗殊可喜橙橘足充糧嫁娶自行禮朴氣被桑麻古  
意徧男女此中可避秦別立一甲子我聞誠欣然不覺病  
脫體請公營禪坊爲我置牀几無使劉遺民不見桃花死  
適見孟郊詩讀之復良久春燈開新花猶未釋我手愛其  
贈淡公意篤人外友飲則舞短簞歌卽拍銅斗適送慰公  
行因之詠數首淡公與慰公風味得似否我詩較東野豈  
便出一口但喜筆墨間掃盡俗花柳澆出泉響清洗來崖



骨壽取投詩鉢中知公得未有

慰公夜聽老僧說大龍湫余爲述其語

兩山劈相對體凹而頭出怒勢角終古欲磕僅不磕飛瀑  
自頂來懸噴下離壁驚颺忽吹過左搏或右結急暴萬弗  
珠疾圍千捧雪立下觸礮礮一跌撲再跌迴颺忽吹轉團  
物尙未擘礪石復一響片片始飄屑風伯大奔忙雷君喊  
無歇百靈不暫停混沌至今日慰公適語我夜同老僧榻  
聽說大龍湫驚起喚奇絕恍若置此中狂叫蕩竟鬼足仄  
不得收目瞬不計睫始歎世外奇天地偶一設老僧旣善

狀得過慰公舌慰老旣善談得入杲叟筆山神最遙待高  
僧與詞伯請更說匡廬泉聲落三疊

霽後草堂觀穫二章

黔羸濯火雲家除十尺舍刈秆置前欄墮粒補土罅天晴  
水鳥翔螳冢始賀赦出門望鄰疇移牀就楸栢枯爨各生  
煙兒童走蒼下飛魚重念家壠口循溝瀉長羸已謝衡餘  
溲尙停駕擊鼓走村巫穰穰告新稼白藏在晚成神其思  
奠學

茅堂各傾篝盃婦出井里收納及新晴敢辭手足瘃獲盡



見遲苗繡綠復瀰瀰田鳥啁戩乘羣飛集中吐數載非我  
秋一朝報勞耜日沒始各歸螢燈亂陌市妻努各相慰一  
盂當祝史饑顏暫得回四體若脫衣呼天更有祈西皋土  
尙燬

草堂促耕

去冬少侍穀入春益已傾爨糜給耕夫忍饑望禾青薄糜  
愁亦盡壟上無譟聲攜筐勸息者力以用乃生天心賴不  
緩煥氣日夜蒸禾風吹我飽今秋諒有成勉矣時可待上  
農古所名

終

杲堂詩鈔卷四

甬上李鄴嗣著

徐鳳垣

塔林獬錦

同里

選

同較

錢肅圖

甥葉嗣忠

七言古詩

城南曲

東風昨夜散桃英朱闌十二聞含櫻欲識江南春若許但  
向城南麗日行江南春色城南在聯天臺榭搖波碎翠笛  
高垂幽霧醜綃帷半掩彫雲鬢捲笛寒帷光四起臺前爛



曼皆羅綺紫燕之絡高堤來青雀之橈細湖艤柳汀絮起  
逃雪汀花嶼香濛接煙嶼錦茵半驟揮彈兒繡幄多圍挾  
瑟女城南女郎爭玉貌城南遊俠俱季少蝦頭夜傾秘監  
祠魚腸朝拂飲飛廟當場敵手縱千金滿局纏頭酬一笑  
急吹曼撥俱未停龍膏蜃蠟紛相耀此日遨遊各騁神此  
時陰霽盡良辰誰知一夜龍沙入碎綺織羅片片塵十洲  
銀閣來如夢千樹金城推作薪寂寂湖亭巢白燕悽悽月  
島吹青絳羯鼓催闌動長角金鐘泛乳吳醪薄射雕百騎  
城南歸亂踏桃花幾處落

胥潮行

八月高颺天上來胥江疊浪如山堆伍相揚威不可觸秦  
皇當渡空裴回雷驅雪擁洪濤起北赭南龕愁對峙白馬  
疑奔練影中素車隱動鞞聲裏鴟夷之器未飄風屬鏤之  
鉞尙吐虹野麋纔入夫差苑蔓草旋生勾踐宮吳亾越霸  
斯須度獨有靈胥難霽怒涌勢常愁地軸翻傾波若向天  
關注胥江濤險有如此不煩鍊鎖沉江底飲馬誰教水伯  
逋控弦誰使陽侯徙吁嗟乎巨壑填盈精衛石朝可枯潮  
夕枯汝蘭亭夜抱冬青枝纍纍之涕不可絕



杜鵑行

春風漫漫百草綠登臺獨展傷春日惜別初彈蜀國弦懷  
歸再理巫山曲巫山迢遙隔萬里怨鳥一聲空裂耳但知  
今日鼉靈尊還念當時舊天子蠶叢之國關何季魚鳧城  
郭隨飄煙赤樓嵯峨不可見碧鷄金雁俱茫然故國興衰  
不復數中夜號呼亦何補北嚮猶哀灑血多倒懸更訴髡  
毛苦世間代謝須臾事漢寢唐陵盡何處鴻燕終依歲在  
來山川難促人歸去江頭細鳥抑何仁千季禮節尙人臣  
願採琅玕飼天種阿閣爲巢以奉君

送女兄文玉入山爲沙門

女兄文玉生平節孝見諸公傳記自先儀部殉難  
後葬畢遂入山爲沙門方雉髮時空中有奏梵聲  
階前長神芝數本相從入道者十餘人

至理可使無情瞞洪濤不沉火不熱大節每能生神奇空  
山吐唄草吐芝古今曾幾奇女子文姬娥親數人耳磊磊  
氣薄星日芒空閨夜半拜寒霜女貞手植三十載耘海桑  
青色不改一杯新碧父之血魂何所歸扣文佛禪燈初熒  
暮氣森諸天奔其鐘鼓音



小育王同諸公禮佛是季值余三十

諸公爲友佛爲師願聽賤子懺一詞十季前竊文士名衆  
中下筆頗有聲十季以後禱處士但著大衫走城市藏書  
十卷八卷亾墓田五畝三畝荒君看天意已如此磊磊吐  
心尙不止蒼茫今日憶前因樓團慚拜佛三身明日下山  
跡未定老僧獨禮苔龕磬

田家詞

去季收禾不到場今季打麥不上箱誰家還得糲麩食三  
時種作口未嘗羊子亂哞牛父狗鷄飛拉颯狗上墻村村

盡被搜牢去低籬窄舍無計藏老翁捻喉氣難吐亂離纔  
識田家苦城中蕩子髮如錢笑學鄉人打鄉語

久客歸

客行二十季記老不識少改盡故鬚看昨夜邊場到憶昔  
城東開萬戶城口浮梁接江潯出關收魚若收租大船半  
泊新安估廟前市馬金障泥古渡桃花鬪看臉今來陵谷  
何易遷夾路小坊盡草莽獨行空巷白日疑放悲西鄰一  
寡姥黃門甲第當衢開老兵橫臥自稱王郭外古墳有我  
親白楊樹倒供斤斧久客無家還欲行兒骨先愁不傍父



飄葉終身思本根。及到誰知益酸苦。幾時真得洗甲兵。盡使流人歸舊土。

壯譔行贈祈永北歸

引弩只引八牛弩。舞矛只舞丈蛇矛。男兒翻身發電赤。左懸欄。具右鬪。樓先皇侍衛零落盡。隴西宿將今莫儔。虎子安得不奇怒。火光迸出注兩眸。東藩臂張十萬騎。飛蝗疾若鷹脫鞴。豈能鬱鬱江南道。日取僧笠遮我頭。生季三十始封侯。

茂陵秋風曲

漢武帝崩後嘗見形謂陵吏曰吾雖失勢奈何使人上吾陵磨刀劍乎僕悲其語爲作茂陵秋風曲

漢家赤氈真帝子。炎威八荒平。劫火玉鯨鼓。鬣噴滇雲怒。責河工。移瓠水。抱兒一女授霍侯。五柞塵生魂亦死。夢草無情謝。莢陵二十五絃摧不鳴。幽霧濛濛久將散。桐花吹墜石麟驚。月明不照蛟鸞匣。夜往空巖弔瑤妾。藏中明器皆有神。胡箱出土從何拾。悴葉蟬啼氣復難。權譔寂莫帝魂愁。茂陵少季盡妖服。問誰攜劍上高丘。白燕西飛龍石瘞。劉郎咨嗟猶漢系。香消桂柱魏車來。銅人泔泔千秋涕。



身室詩金卷四  
五  
縞衣夫人誦

夫人張氏梁公狄先生配也死難事甚奇先生使  
余輩賦之因其著縞衣自焚後能形見作縞衣夫  
人誦

高風颯颯動青楸客子誰過礮陽遊荒原喚晝只妖鶩踉  
輪有聲知髑髏短莎新茁露金鍬女牆識是古商丘入城  
行到官舍頭此時雨黑地漸收放悲神姝駕素蚪羽飄蜚  
截霜影紉哭聲入耳遂颺颺客行卻立更理眸紛若煙吹  
去莫按道旁老叟引客留君無近前天女愁云此本有縣

南樓當季茂宰稱梁侯梁公夫人節莫儔問客可曾識其  
繇叟欲重言聲咽喉憶公移治舊中牟垂簾八日賊犯州  
書生力禦手執戮顧謂妻奴善自謀夫人慷慨涕不流縞  
衣密製夜火籀果聞城陷銅馬蹂登樓北拜妾無尤投繯  
遺命疾舉柩闔門忠爛吐鬱攸公斫不死八日瘳香骸鬼  
護尙可求至今風雨頻啾啾土人祠下酌漿糝客聞語畢  
淚若瀾自傳賊起二十秋大河南北無尺暎文臣誤國等  
俳優將軍十萬棄兜輦全軀保室真良籌真心誰與夫人  
侔一觴立起奠濁醪古傳所揚有此不



江上弔三絃女子詞

本土人女亂後流爲女優季十六工三絃子父欲  
贖之不得因抱絃自投甬江死

小鬟抱絃調鳳髓嬌若芙蓉半開黛臂支獨枕紅守宮傷  
人但許聽哥死羅衣垂手骨欲翔綠帶化蝶翩蓮香愁心  
只慕筇篥引冰蠶織絲千縷涼收絃撥出思鄉調素蛟迎  
舞幽蘭笑江上風迴曲未闌小魂夜拜曹娥廟鸞屬踰浪  
月漉漉手執朱鞭牽白鹿醜酥何處醉氈氈熱粉吳姬紫  
槽促

讀西京雜記

故鄉歌闌翹袖舞甚傷真人淚瀾瀾纔作新豐娛若翁爲  
誰更驛洋川米鞠室囚香虞草碧千季情恨英雄咽空持  
愛縷結同心赤刀不點野雉血雲陵早瘞拳夫人嗟嗟隆  
準愧龍孫

織簾先生詞爲畧樵大兄壽

織簾先生季八十火下寫書數十篋適志每聞鼓素琴養  
身曾見賦黑蝶先生行季才六十爽氣炤人髯間出王家  
七葉重文章曹氏遺倉今石室少季喜搜秦漢書鸛頭蚊



脚爭三餘剝藤日寫幾十紙束之一歲盈一車自從遭亂  
六藉焚落棠山外逐殘曠遺經在壁史在井花前之集隨

飄雲先生所錄先生一身亦坐繫秦吉無聲春燕去排空

惟有雁飛來行行寫作傷心字先生繫中有一朝破械身

歸來日向山中賦八哀山頭片石千春在西臺哭罷登東

臺此時歸覓篋中篇上花蝕盡義熙年夜鈔重積三千卷

坐聽霜溪鷓鴣天其中一編更卓絕魯連之淚魯公血龍

威所守百靈扶三百季來豈容軟先生開書重流涕歷歷

紀行事堪記栢桐初刦義公季山川舊弔睢陽處是書重

鈔閉篋中颯颯四壁生寒風夜半疑有弓劍集階前不敢

啼秋蟲先生所書重如此織簾先生小小爾天畱碩果歷

冰霜益州耆舊名堪齒歸乎來彼刺船者古成連求羊二

仲耕滄田吾亦採芝此中去重與先生發一編

死戍墓歌為給事姜貞毅先生作

思陵望治苦若渴側席重宣故相出二十四氣誣正人首

持魁柄障白日萊陽姜公在黃門平生忠篤感至尊極論

丞相真有力要使言官氣得伸上怒赫然死不重卻念直

臣心稍動且將赤棒代歐刀生謫不投人鮓甕聖朝從諫



本如流坐看雷砰電射收天威朝逐陳子壯皇恩夕召黃  
道周臣塚哭辭闕下出數到宣城四十日忽傳龍御遂升  
天環未及還玦未決小臣目斷燕雲下自操吳戈甲不卸  
人間今已絕金鷄待到黃墟方遇赦勞勞內史啼南陌鷓  
鴒催歸歸不得舊館惟尋皋伯通殘命仍投閭子直三十  
季來淚無數白髮青山同旦暮遺骸只葬敬亭坵萬古漢  
臣死戍墓君不見先皇仗劍排闥闔臣挾秦弓侍其側東  
臺給事生上書宣州老兵死殺賊念祖堂前異草生青松  
壘上秋燐碧請取孤臣不死心寫向嵌巖一片碣

贈語溪曹黃門歌

記葬楊侍御事也

銅人淚滴茅人瞰漢皇寢殿罌愚陷杜陵狼藉虎文衣秋  
風劉郎看磨劍趙家冤奏一槍餅天陰啼襍馬牛聲不道  
一丘蘭上土有人月黑抱冬青此時鬼伯兒如此日逼諸  
君上蒿里只從野外哭忠魂誰識路旁流義髓義髓凝爲  
千載碧山鵲炤眼泉鳴咽家家骨煖一壘泥幾鼓亂槩無  
寒食語溪黃門義丈夫肯將十匱覆黃墟樹上只容栖怨  
鳥田間不敢走妖狐墓石官階都不記小碑只篆嗚呼字  
碑前劍草發今春何人下馬雙垂淚安得燒甌千萬堆盡



掩人間義士骸萬盂麥粥千竿紙土花開遍鬪髀臺神旗  
颯颯飄如雨夜中聽喚諸公語溪蒙范式挽靈車多謝張  
融着高履

題細柳營圖歌

龍城萬騎盡控弦軍臣大入句注邊羽書奔命一夜發狼  
羹立看接甘泉漢文皇帝籌邊久虎符卽召河內守防秋  
分遣三將軍霸上棘門連細柳太尉家兒大將才乘輿謹  
候壁門開軍中只聽將軍令皇帝咨嗟按轡廻史筆龍門  
曾叙出復落畫家冷恊律極寫軍容懍可觀兜鍪甲仗俱

精絕此卷何季入禁中錦軸牙籤列席同一朝銅馬蹂宮  
闕血污縹緗四庫紅東壁光芒墜地矣御前翰墨無人理  
有誰竊得善本歸題變宛然尙可喜白頭官監坐市坊手  
持畫卷俱輝煌名馬載還胡蔡琰橐駝送去漢王嬙就中  
一卷尤堪記中官未語先垂涕往事依稀四十季傷心說  
到先皇帝此是冷謙細柳圖先皇取向玉几鋪卷上兵威  
眞味咤喚起西京周亞夫其時戎馬方紛擾漢之飛將今  
非少血戰仍求劉大刀將略還推戚少保先皇卻立動遙  
感執觴在手卷未掩無限憂思將帥心傾落龍膏酒一點



老奴適在華青直捧向玉階日光炙侍臣以外那得知不  
顛天漿人不識四十季來色如故百靈不散應相護買去  
須爲至寶藏從頭再與諸公訴吁嗟乎先皇推轂思何苦  
皇皇每飯憂無數展卷猶如聽鼓聲發圖若見提枹斧後  
來亦有周將軍榆林百戰報君恩恨不早教懸鵠印築壇  
箭與鑿凶門此卷今爲世家有小臣作歌記其後漢家天  
子亦拊髀不及先皇一滴酒

短調期掖青不至

君居鑑湖南湖楓炤汝宅我居甬城東巷草立額仄瑟風

吹秋入巷來竹杖迢迢招不得聞君解帶向何人高車肥  
馬無相識自從喪亂燔六經黯淡柴門弔顏色黨人碑上  
舊鐫名詞英會中新落籍華冠冢兀鷄犬憎晝見方良同  
辟易君不我儔欲安適我有新詩一卷餘鳳掌磨星嘆消  
息君不來看枯案頭塌井無光墮百尺不見煙催日腳黑  
無人兵燹馬奔天地織誰堪久立呼逼側

酌酒與董翼子作

嗟乎丈夫窮愁則已耳而使一身營作客躊躕行出門故  
人別不得酌酒與謔失顏色我居江南汝將在江北躊躕



還入門故人別不得酌酒與謔失顏色我居巷南汝仍栖  
巷北噫乎丈夫窮愁終已耳乃使一身難作客噫乎天地  
何偏側暮日無光暉白虎橫相嚙汝縱出門亦何益還入  
門盎中無斗米儲數錢不滿百顧語室中兒兒慎勿啼上  
有白髮親恐戚戚我思負米千里外路局窄先人敝廬誰  
踞之四壁日狼藉座上圖書鬻以充日食我思一告貴人  
貴人之門不通謁躊躇決絕問朔風漸凜冽瀉水置地凍  
不流舉尊一謔一斷絕噫乎丈夫窮愁哺糜耳無使一身  
復作客

大滌山行贈余蛟翼

明州城東有余子默坐璘珣骨常峙素波潏潏剪雙瞳異  
彩離離散五指十季卜築能相傍夜雨然燈光各向垣衣  
已蔽幽人門山鬼欲來處士巷翩然一夕辭草堂獨遊問  
爾真何方春水生矣憶茗水微風導之下禹航禹航茗水  
須臾度山山浮靄俱相晤谷鳥遙呼籜笠人溪花獨矚芒  
鞋路芒鞋發我入山行大滌晴嵐片片迎金堂窈窕求龍  
蛻玉室豁訝訪鳳暝鳳暝龍蛻求無處玉草叢生竄僂鼠  
九峯裊裊多歸雲七洞淙淙盡垂乳此地棲真千載聞藏



書萬笈覆靈雲。玄同先生不得見。洞霄弟子曾相親。何君  
扶犁耕峭壁。呂翁荷斧采岳礫。興來招聽雲璈聲。醉後同  
眠酒。龕石聞爾誅茅將不還。迷巖詭壑幾流連。西洞幽尋  
亦偶爾。東臺迴眺終茫然。君歸來無徘徊。會稽以東接靈  
巖。丹山之天匹玄蓋。我將結屋芙蓉巔。需爾辭名共玄對。

同掖青辰四旦中舟行次學樊堂

棟風已報花信畢。單舸復載遠山出。溼雲渡水低觸櫓。櫓  
聲鷗鷺魚失伍。暮傍老特愛立。莎鳥栖特背靜若窠。野屋  
數家接山腳。犬吠殘花出。虎落迎舟竹影久。未過緩行我

愛榜人情泄煙一縷辨草堂風吹短垣垣衣香門外平疇  
綠相向扣門恰值僧歸杖

觀掖青手製夏茗

徐君異骨佩豹囊。獨攜茗具作山裝。雲腴知向絕谷藏。山  
房晨起擷滿筐。手刪烏蒂畱次槍。小芽吐綠一寸長。柔蕚  
潔釜並有方。新芬及候十指商。小鑑魚目始沸湯。離樹入  
甕日尺光。山僧沾口訝未嘗。先春不良晚茗良。此中神理  
豈易詳。幽人爪甲能生香。

入烏石再登南麓先生墓道



蕭蕭幽城復在指古氣圍山骨不死松杉承蓋立墓門窻  
窻尚飄寒食紙鐫竹同尋隔歲詩黃泥舊印遊人屣山花  
半落石花斑子鵲不識春歸里愁來獨喚翁仲言笠倚碑  
亭淚瀾瀾

七夕哀辭

哀萬允誠續娶婦余氏也余氏  
事予若父歿後與匹女合嬪

去季盈盈拜七夕今歲小墳土三尺有姊先栖貼半席死  
不相離生不識天孫餘憐炤昔昔雌雉雙飛喚寒食人間  
哀淚貯一石

觀瀑布泉限作新句

君不見文璣傾盤晝夜注鮫人雙睛不得霽宵搖鬼滅何  
時盈神驪千季遭渴睡君不見神屋高垂不夜簾幽蛟萬  
睫連絲娥易烏欲炤入無處玻梨散結霏靈靈君不見靈  
泉匹素空中擲綃宮玉繭無停織緯冰片片落人間亂展  
明霞光莫測我來目眩飛瀑泉心欲狀之豈其然

題雲間唐生畫山水詩

空堂桀豎見危巖斗上千仞復有奇離霄一握下無涯閉  
日開月光相窺峯腰以下雲得知煙霞互采爭離離奇巒  
參錯紛難欺愁崩不筋意交持中有杖者攀蒼枝松花謾



謾飄雙眉衝巖練下傾玻璃天風迴激漂微霽杳然耳目  
俱隨之復疑神靈赤水集衆蓋羣幢來籊籊彷彿湘妃窈  
窕立山鬼一聲追莫及須臾疾跡何縱橫怒氣直與蛟龍  
爭脫光臥鞞鏗然鳴座中豪客盡起行寒飈吹空更凜絕  
關山漠漠飛鴻雪策馬何人步兀臬吐沫垂洩冰寸結嗟  
奇哉世間妙蹟有如此乃出雲間唐高士手持弱翰五寸  
耳驅役山川不肯止以意造之萬象起真宰無權哭瀾瀾  
嗟奇哉唐先生十季落魄何躊躇昔日交遊滿帝居只今  
足繭明山岨朱門交逐日飛車先生掉頭獨徐徐來臥吾

友蕭門繩坐之高廬君不聞千載文章重司馬乃嘆世無  
善畫者後來昌黎不相下亦云今世無工畫吾乃開襟散  
髮摩雙睛奔毫日見唐先生

中秋同諸君集慈福寺坐月譔

三五將夜天湛然片雲橫列東山顛須臾吐月月上弦須  
臾銜月月下弦山雲爭月兩吞吐月出復出光逾鮮山形  
竊低雲漸散離離月上始魄全明河爛焉欲垂地數星澹  
澹花蒙煙吾有故人來四五乘輿同乘秋水船雙槳忽盪  
波影碎白鷺無形私下田歸來維舟楚竿下方外之友亦



皎然削梨剝芋出。啖我噉噉夜色炤。一筵高譚縱橫飛。六  
出月高十丈不肯眠。諸君諸君吾語汝。星星聚首已可憐。  
一半之秋端正月。百季此夜能幾季。素甕頻傳天益靜。爲  
君先成明月篇。

漢陰行呈錢稚廉

德操宅洲陽。德公居漢陰。望衡情自接。泛舟亦相尋。德公  
爲上先人墓。德操褰裳適來顧。龐家妻子俱拜前。但命汝  
曹速修具。須臾作黍紛進食。日暮德公亦還宅。直前相就  
各欣然。不知何者是。主客此事風流已十載。襄陽遺老今

安在出門植杖每裴徊。誰家韭黍歡相待。杲堂白髮何崢  
嶸。垂老乃得交錢生。平生歷落得盡吐。新晴一豁衰眼明。  
君家退山吾老友。近日論詩真敵手。缶堂妙句得三分。碌  
碌詞家盡俯首。錢生心爲三人折。每見詩成輒嘆絕。肯題  
數首亦大奇。使示諸君俱不屑。攜詩獨叩杲堂居。童子聞  
聲但啓扉。草草盤飧解作供。不問主人歸不歸。杲堂入門  
遙一笑。知是錢生徑相造。古來佳事亦偶然。豈必德公與  
德操。庭前衆鳥報夕陽。我病欲眠君渡江。龍門耆舊誰能  
識。漢陰之水徒洋洋。



壽昌寺老樹根謠

千季畱得蒼宮樹。幽崖蟠根螿無數。不知何時飛節枯。太  
微。亡。銷。百。尺。仆。伏。龜。已。死。青。牛。犇。崖。頭。洗。出。老。盤。根。此。物  
卻。爲。真。宰。惜。飛。廉。驅。來。入。寺。門。棄。之。殿。隅。人。不。識。黃。口。伏  
翼。相。狼。藉。我。友。遠。公。獨。嗜。奇。與。我。摩。挾。三。太。息。古。銅。之。色。  
丈。二。長。虬。形。宛。宛。劈。中。央。左。迴。右。旋。狀。屈。曲。細。眎。眩。我。老  
目。光。吐。氣。遂。疑。雷。雨。至。冥。心。一。任。精。靈。戲。乍。驚。日。下。鬪。黃  
麟。倏。見。水。中。翥。金。翅。其。間。纍。纍。更。多。端。輪。爾。執。斤。巧。力。殫  
鬼。血。亂。傾。萬。瑪。瑙。神。魚。暗。負。千。琅。玕。我。愁。此。物。更。浮。去。合

置禪房最幽處亦恐季深再邁屯橫使一朝供削鋸不見  
君家萬季枝庭前久侍雙離離蒼龍前季拔其一靈根知  
向何地移遠公卻立溪嗟咨噫乎我與遠公同嗟咨

短栢歌爲菊函禪師作

菊公庭前有短栢數片蒼鱗發幽色人中黃楊樹侏儒一  
偃再僂意彌屈束身若纏左右臂俯立每讓嶙峋石大陽  
下炤漏小光戴雪幾片露幾滴惟有銕幹自森然氣與華  
山文老敵飛廉狂撼終不搖霽君卻步斂霹靂有時空堂  
佛火紅魚鼓一聲天地闐百蟲匝樹不敢啼坐對短髯俱



默默菊公愛此日蟬連云是老僧初手植曾經品目衆詞  
家頻受摩抄老禪德向我索題苦不已一幅桑根候落筆  
君不見杲堂先生賦庭栢拏雲攫龍亦三尺

戲作短詞

東籬先生咏止酒佳節仍傳過重九醒然自著頭上巾兩  
把黃花空在手昌黎先生嘆落齒又牙動搖勢不已盤中  
輒物僅得嘗猶是作詩詫妻子杲堂病叟更可憐斷酒墮  
齒俱十季牛脩鹿脰嚙不下但聞名酒尙流涎二公風流  
在千古我非其人與同苦大笑作詞更起舞



